



乾
隆
府
廳
州
縣
圖
志

江西

ル 5
1353
11





門呂
潘 1353
卷 11



江西全圖 統計十三府二廳一直隸州

南昌府	南昌	新建	豐城	進賢	饒州府	鄱陽	餘干
廣信府	上饒	玉山	廣豐	弋陽	貴安	樂平	星子
九江府	德化	鉛山	彭澤	瑞昌	南豐	南城	廣昌
撫州府	臨川	湖口	金谿	臨江府	清江	新淦	新淦
吉安府	廬陵	崇仁	東鄉	安福	新喻	峽江	高安
袁州府	龍泉	吉安	永豐	蓮花	新喻	信豐	新安
南安府	上猶	崇義	南康	瑞州府	雲都	信豐	新安
長甯	南康	崇義	南康	瑞州府	雲都	信豐	新安
宜春	宜春	宜春	宜春	宜春	宜春	宜春	宜春

江西全圖



卓陰石屏小見圖元名

江西境眾水歸合表

鄱陽湖	贛水	豐水	蜀水	上猶江	虔化水
盪水	旴水	馮水	池江	雩水	綿江水
鄱水	餘水	修水	南水	淦水	
樂安江	昌江	吉水	蛇溪水	章水	
上饒江	南湖	貢水	奉新江		
大江	鄱陽湖	贛水	章水	貢水	
一名潯陽	一名彭蠡				
江一名九澤	一名宮亭湖				

乾隆府廳州縣圖志卷二十九

賜進士及第翰林院編修充 國史館纂修官 臣 洪亮吉撰

江西布政使司

南昌府 衝繁難

原額人丁二十三萬一千五百九十一 又滋生人丁三千六百六十一

禹貢揚州之域春秋時吳西境戰國屬楚秦屬九江郡漢高帝五年分置豫章郡治南昌縣晉元康元年於郡置江州東晉咸康六年州移治潯陽以豫章為屬郡陳初江州復理豫章天嘉六年州罷隋平陳廢郡置洪州總管府大業初府廢復為豫章郡唐武德五年復曰洪州仍置總管府七年改都督府天寶元年復為豫章郡乾元元年復為洪州為江南西道觀察使治所咸通中為鎮南軍節度使治五代初屬楊吳南唐交泰元年建

南都升為南昌府宋初復為洪州隆興三年曰隆興府為江南西路治所元至元十四年置總管府二十一年改為龍興路明初為洪都府尋改南昌府

本朝為巡撫部院及布政使司按察使司治所糧儲道鹽巡道竝駐此軍捕水利同知駐吳城

府境

八到

東至	德安府	界一百四十里
南至	瑞州府	界二百四十里
西至	撫州府	界一百八十里
北至	南康府	界一百八十里
東至	撫州府	界一百二十里
南至	瑞州府	界一百二十里
西至	南康府	界一百二十里
北至	湖廣通山縣	界五百里
自府治至	京師	四千八百五十里

土貢

銅 鐵 葛 紵布 茶 梅煎 甘橘 藥 蠟

管縣七州一

南昌 新建 豐城 進賢 奉新 靖安 武甯 甯

州

南昌縣

衝繁難郭下

有寶豫錢局南浦一驛芋韶一鎮巡檢二駐市汊及三江口

漢置南昌縣為豫章郡治隋改縣曰豫章唐寶應元年改曰鍾陵貞元中復曰南昌

贛水一名章江在府城西章江門外上有滕王閣江廣十里自臨江府清江縣流逕豐城縣西又北逕新建縣北合鄱陽湖入江盱水今名武陽水自撫州府臨川縣流至縣東合鄱陽湖班固云南城縣盱水西北至南昌入湖漢

東湖在府城東南隅水通大江增減與江水同漢永元中太守張躬築塘以通南路兼遏此水冬夏不增減後頻被水患至宋

景平元年太守蔡君西起堤開塘為水門水盛則閉之多則洩

自是居民少患又有南湖在縣東五十里東北流入鄱湖

縣故城在縣東圖經南昌縣凡三改五移明初又移今治城邑

考漢城周十里八十四步南曰松陽門西曰皋門昌門東北二

門各以方隅為名唐孫州故城在縣西南

劉繇城在縣東北齊城在縣東南墟口城在縣西南七十里

新建縣衝繁難郭下邑鳥山

宋太平興國六年割南昌縣置

西山在縣西章江門外三十里一名南昌山即古散原山也上

有梅嶺漢元鼎五年樓船將軍楊僕請擊南越屯豫章梅嶺以

待命即此銅山在縣西北樂史云吳王濞鑄錢之山

蜀水在縣西南自瑞州府高安縣流入合于章江

彭蠡澤今名鄱陽湖在縣東北跨南昌饒州南康九江四府之

境長三百里闊四十里一名宮庭湖書禹貢彭蠡既豬班固云

彭澤縣禹貢彭蠡澤在西

昌邑城在縣西北六十里慨口椒丘城在縣北

豐城縣衝繁疲北少東至府一百二十里有劍江一驛松湖巷口曲江三鎮巡檢駐沛原

後漢建安中孫權分南昌立富城縣晉太康元年改曰豐城梁

大通二年移屬巴山郡隋平陳縣廢開皇十二年改置廣豐縣

仁壽初復曰豐城唐天祐中改曰吳皋五代南唐時復舊元至

元二十三年升為富州明洪武初復為豐城縣

豐水源出縣東南杯山至縣東入章江又有富水西北流與豐

水合吳晉二縣名所由出也

縣故城在今縣西南唐時徙今治梁廣豐故城在縣東二十五里廣豐鄉

豐城江隄在縣西北章江岸凡百餘里自唐至今歷歲修築

進賢縣 衝西北至府一百十里 有潤陂鎮巡檢二駐潤陂及鄆子寨

晉太康初分南昌縣東境置鍾陵縣尋省唐武德五年復分置

八年復廢宋初置進賢鎮崇寧二年升為縣

鍾陵故城在縣西北

奉新縣 衝東至府一百二十里 巡檢一駐羅坊

漢海昏縣地後漢永元十六年分置建昌縣中平二年又分置

新吳縣劉宋移建昌治海昏城陳初于新吳縣置南江州尋廢

隋平陳又省縣入建昌唐武德五年復置新吳縣屬南昌州入

年仍省永淳二年復置南唐昇元元年改曰奉新縣

馮水在縣南酈道元謂之僚水源出縣西百丈山東北流入南

康安義縣界至新建縣西北嘅江口入章江

新吳故城在縣西三十里建昌故城在縣西四十里或云即太

史城太史慈創置

靖安縣 衝東南至府一百六十里

本建昌縣地唐廣明中置靖安鎮楊吳乾貞二年改為場南唐

昇元元年升為縣

武甯縣 衝難東南至府三百八十里 有高坪市巡檢駐

後漢建安中孫權分海昏立西安縣晉太康元年改曰豫甯陳

武帝置豫甯郡隋平陳廢郡并縣入建昌唐長安四年又分建

昌置武甯縣景雲元年復曰豫甯寶應元年復曰武甯元至元

二十三年于縣置甯州大德八年徙州治分甯以武甯還屬龍

興路明屬南昌府

修水在縣南一百步源出甯州東流至南康府建昌縣入章江
班固云艾縣修水東北至彭澤入湖漢行六百六十里縣境有
積溪白石清江高坪諸水竝注修水

豫甯故城在縣西二十里甘羅邨

甯州

繁疲難東南至府三百五十里

有八疊鎮巡檢三駐
八疊及杉市排埠

春秋時吳艾邑漢置艾縣陳屬豫甯郡隋省縣入建昌唐初為
武甯縣地貞元十六年分武甯西界置分甯縣建炎四年置義
甯軍尋罷元至元二十三年置甯州于武甯縣以分甯屬之大
德八年移州來治明洪武初廢州為甯縣宏治十六年復升為
州屬南昌府

艾縣故城在州西百里龍岡坪西平故城在州境按西平當屬

西安之誤

饒州府

衝繁難

原額人丁一十四萬八千三百六十二
又滋生人丁一千二百四十七

禹貢揚州之域春秋時為楚東境後屬吳戰國屬楚秦置番陽
縣屬九江郡漢屬豫章郡建安十五年孫權分置鄱陽郡屬揚
州晉元康元年改屬江州梁承聖二年于郡置吳州陳光大二
年州罷大建十三年復置隋平陳廢郡改置饒州大業初仍為
鄱陽郡唐武德四年復曰饒州天寶元年仍曰鄱陽郡乾元元
年復曰饒州五代屬南唐宋曰饒州鄱陽郡元至元十四年升
饒州路總管府明初改鄱陽府又改饒州府

本朝因之分巡廣饒九南道駐此鹽法軍捕同知駐景德鎮

府境

東西距五百三十里
南北距三百七十里

入到

東至浙江開化縣界三百七十里
西至南康府都昌縣界一百六十里
南至撫州府臨川縣界二百里
北至安徽建德縣界一百七十里
東南至廣信府治四百五十里
西南至南昌府治三百里
東北至江南徽州府治六百里
西北至九江府彭澤縣治三百二十里
自府治至京師五千二十里

土貢

金 銀 銅 茶 紗 紵布 裘器

管縣七

鄱陽 餘干 樂平 浮梁 德興 安仁 萬年

鄱陽縣

衝繁難郭下 有芝山一驛棠陰一鎮巡檢駐石門

秦置番陽縣漢曰鄱陽後漢末孫權置鄱陽郡晉初移郡治廣
晉以鄱陽為屬縣蕭齊復移郡來治迄今不改

番水今名鄱江出縣東一名長港樂安江自東南來昌江自東

北來流至城東會為一名鄱江環城南西折北流又分二支名

雙港分流入鄱陽湖班固云鄱水西入湖漢

南珠湖在縣西南三十里納餘干古埠沙港諸水入鄱江又有

北珠湖在縣西北按縣境諸水會于鄱陽湖者為大合會于諸

湖者為小合諸小湖在鄱江南岸者凡一百九十二雙港南岸

者凡一百七十皆隨地異名

縣故城在今縣東六十里故縣鎮漢鄡陽故城在縣西北一百

二十里晉廣晉故城在縣西北一百八十里今名廣晉鄉

永平關在縣東本唐永平監

英布城在縣西北百二十里

餘干縣 衝難北少東至府一百二十里

有龍津一驛康山
黃丘埠瑞洪三鎮

春秋時越西境干越地漢置餘汗縣屬豫章郡三國吳改屬鄱

陽郡劉宋曰餘干蕭齊復曰餘汗隋開皇九年復改餘干屬饒州元貞元年升為餘干州明洪武四年復為縣

武林山在縣東北三十里臨大湖漢元鼎六年東越王餘善發兵距漢道入白沙武林梅嶺天子使樓船將軍楊僕出武林又白沙在鄱陽縣西

上饒江在縣東南自廣信府貴溪縣流入又西北流與盱江章江支津北會入鄱陽湖餘水在縣南即今馮田西津諸水也班固云餘汗縣餘水在北至鄡陽入湖漢

餘汗故城在今縣東北四都唐玉亭廢縣在縣東南
樂平縣繁難西至府一百二十里有康山一驛仙鶴八淵二鎮

唐武德四年析樂安縣置九年省尋復置元貞元年升為樂平州明洪武四年復為縣

縣故城在今縣東南桐山鄉長樂水口
浮梁縣衝繁難西南至府一百八十里有景德桃樹二驛

唐武德四年析鄱陽置新平縣八年省開元四年改置新昌縣天寶元年改曰浮梁元貞元年升為浮梁州明洪武四年復為縣

新平故城在縣東北新昌故城在縣東南昌江口之左
景德鎮在縣西南三十里宋景德中置因名圖說其地水土宜陶宣德中始置御器廠于是有官窰民窰之分

德興縣衝繁西至府二百四十里有銀峯一驛巡檢駐白沙
三國吳析餘汗縣置樂安縣陳天嘉元年縣廢唐為樂安縣地五代南唐昇元間改置德興縣

鄧公山在縣東三里舊名銀山李吉甫云每歲出銀十餘萬兩

收稅山銀七千兩又縣治有鄧公場唐總章二年邑人鄧遠上
列取銀之利上元二年因置場監令百姓任便采取官司什二
稅之其場即以鄧公為名隸江西鹽鐵又銅山在縣北三十里
亦唐時置銅場處

樂安故城在縣東百里樂平鄉陳銀城廢縣在縣東一百二十
里今名銀冶堡

金場在縣南二十里宋時冶金處又銀場在縣東六十里唐冶
銀處

安仁縣 衝北少西至府二百十里 有紫雲一驛白塔一鎮

晉永嘉七年析餘汗縣東南地置興安縣尋廢陳天嘉中置安
仁縣隋開皇九年并入餘干唐武德四年析置長城縣八年省
入餘干宋開寶八年置安仁場于此端拱元年升為安仁縣

錦江在縣南即上饒江下流至餘干縣瑞洪鎮入鄱陽湖

縣故城在今縣東南一百五十里南唐長城廢縣在縣南長城
鄉

萬年縣 難西北至府一百二十里 有石鎮市巡檢駐

明正德七年割鄱陽餘干樂平及廣信之貴溪四縣地置萬年
縣取萬年鄉為縣治因名

廣信府 衝繁疲難

原額人丁九萬一千三百四十二
又滋生人丁三千六百三十三

禹貢揚州之域春秋時吳地戰國屬楚秦屬會稽郡漢屬豫章
郡三國吳屬鄱陽郡唐初屬饒州乾元初始于上饒縣置信州
五代屬南唐宋曰信州上饒郡元至元十四年曰信州路明洪
武二年改曰廣信府

本朝因之督捕同知駐河口

府境

東西距三百五十里

八到

南北距二百五十里

東至浙江常山縣界一百三十里
西至饒州府安仁縣界一百二十里
南至福建崇安縣界一百二十里
北至饒州府德興縣界一百三十里
東南至福建浦城縣界一百五十里
西南至建昌府瀘谿縣界二百五十里
東北至浙江開化縣界二百一十里
西北至饒州府萬年縣界二百六十里
自府治至京師五千七百五十五里

土貢

金 銀 銅 鐵 鉛 青礮 空青 水精器 綿
藤紙 葛粉 茶 瓷器

管縣七

上饒 玉山 弋陽 貴溪 鉛山 廣豐 興安

上饒縣 衝繁疲難郭下 有葛陽一驛巡檢二驛鄭家坊八房場

漢餘汗縣地三國吳析置上饒縣屬鄱陽郡晉省劉宋復置隋

廢唐武德四年復置隸饒州七年省入弋陽乾元元年復置為信州治明為廣信府治

丁溪山在縣東南六十里舊名鐵山宋時為冶鐵之所山下有銀銅場又有銅山在縣西四十五里銅塘山在縣南一百里山南屬福建浦城等縣中產銅鐵明景泰中福建沙縣寇鄧茂七聚眾盜冶後官軍討平之遂嚴冶禁亦名封禁山

上饒江在縣城南一名信河源出玉山縣懷玉山西流逕縣南及鉛山弋陽貴溪四縣入饒州府界

故縣在今縣城西北天津橋之原明洪武三年徙今治

岑陽關在縣南百二十里東去福建浦城縣二渡關三十里為江閩間道

玉山縣 衝繁疲難西南至府一百里 有懷玉一驛縣丞駐童家坊巡檢駐營盤

漢會稽郡太末縣地唐初為衢州之常山須江饒州之弋陽三

縣地證聖二年析置玉山縣屬衢州乾元元年改屬信州

懷玉山在縣北一百四十里高四百餘丈盤亘三百餘里界衢

饒信三府當吳楚閩越之交為東南望鎮

上千溪在縣東五里又有下干溪在縣東南二里班固云餘干

縣以水為名或即因此

縣故城在今縣東

弋陽縣

衝難東至府一百二十里

有葛溪一驛漆工一鎮

漢餘汗縣地三國吳析置葛陽縣隋開皇十二年改曰弋陽以

在弋水之陽故名唐初屬饒州乾元元年改屬信州

軍陽山在縣南三十里唐貞元中產銀鐵

葛陽故城在縣西宋寶豐故縣在縣南五十里

貴溪縣

衝繁東至府一百九十里

有葛溪一驛雄石江許山二鎮巡檢駐神前街

唐永泰元年析餘干弋陽二縣地置屬信州在貴溪口因以為名

故縣在今縣治西一里今名舊教場元時移于今所

銀場王存云縣有黃金銀場

鉛山縣

衝繁東北至府八十里

有鴛湖一驛紫溪河口二鎮巡檢駐石佛寨

唐上饒弋陽二縣地五代南唐昇元四年析置鉛山場尋升為

縣宋開寶八年以縣直隸京師尋還屬信州元至元二十九年

升為州明洪武二年復為縣

羅銅山在縣南五十里宋政和中產銅又有銅寶山在縣西南

七里宋建隆三年置銅場于此鉛山在縣西四里山出鉛先置

信州之時鑄錢百姓開採得鉛什而稅一建中元年封禁貞元

元年置永平監其山又出銅及青礫

故縣在今縣西寶山

廣豐縣 繁難西北至府四十五里 有柘陽一鎮巡檢駐

唐乾元元年析弋陽縣地置永豐縣元和七年省入上饒宋熙寧七年復置

本朝雍正九年改名廣豐

平洋山在縣東南六十里舊有坑曰平洋坑出銀礦

永豐故城在縣南

興安縣 簡東南至府八十五里

明嘉靖三十九年析弋陽上饒二縣地置

南康府 衝

原額人丁五萬二千四百二十一
又滋生人丁一百九十

禹貢揚州之域春秋為吳楚地戰國屬楚秦屬九江郡漢為柴桑彭澤海昏三縣地屬豫章郡晉永興後兼屬尋陽郡隋為九江豫章二郡地唐為江洪二州地五代屬楊吳後屬南唐宋太平興國七年置南康軍元至元十四年升南康路明初改為西甯府尋曰南康府

府境 東西距二百十里 南北距一百十里
東至饒州府鄱陽縣界一百六十里
西至九江府德安縣界五十里
南至九江府新建縣界六十里
北至九江府德化縣界五十里
東南至德州府治二百五十里
西南至南昌府奉新縣治二百六十里
東北至九江府彭澤縣治二百五十里
西北至九江府瑞昌縣治一百二十里
自府治至 京師四千六百七十五里

土貢 絹 葛布 茶 石耳 石斛 石花魚 蛤粉 布
水紙

管縣四

星子 都昌 建昌 安義

星子縣 衝郭下 有錦岡一驛吳城一鎮巡檢二駐青山及渚溪

漢柴桑縣地隋為潯城縣地唐為潯陽縣地五代時楊吳置星子鎮南唐為德化縣地宋太平興國三年升為星子縣屬江州七年為南康軍治

廬山在縣西北二十里一名南障山一名匡山周環五百餘里與九江府接界

彭蠡湖在縣東南及都昌縣西一里又西北入九江府湖口縣注于大江

都昌縣 繁波難西至府八十里 有柴棚左蠡二鎮巡檢駐周溪

唐武德五年分彭澤縣置屬浩州八年州廢縣屬江州宋太平

興國七年改屬南康軍

縣故城在今縣北九十里王市鎮

左里城在縣西北

彭蠡成在縣西北百七十里西臨彭蠡湖北接釣磯山唐時置戍于此

建昌縣 衝繁東北至府一百二十里 有蘆潭河許二鎮

漢置海昏縣劉宋元嘉中省海昏移建昌縣來治唐武德五年于縣置南昌州總管府七年府廢八年州廢以縣屬洪州宋太平興國七年改屬南康軍元元貞元年升為建昌州明初仍降為縣

上僚水在縣東南與修水合今名南河源

漢永修廢縣在縣西南

上僚營在縣東南十七里又有石姥營相傳皆漢昌邑王所築
安義縣 衝東北至府二百里

唐武德五年析建昌縣置龍安縣屬南昌州八年廢入建昌縣
明正德十三年分建昌之西南地置安義縣

龍安廢縣在縣東北二十里
孫慮城在縣東十里

九江府 衝繁難

原額人丁二萬八千八百七十一
又滋生人丁九百五十四

禹貢荆揚二州之域春秋時吳楚地戰國屬楚秦屬九江郡漢
屬豫章郡為柴桑彭澤二縣三國入吳屬武昌郡永興元年置
尋陽郡屬江州咸和中自尋陽移治柴桑咸和六年又移江州
來治梁太平二年改置西江州陳天嘉初復合為江州隋平陳

廢郡存州大業三年改江州為九江郡唐武德四年復為江州
五年置總管府貞觀二年府罷天寶元年改為潯陽 前皆作潯
唐以後增
水旁郡乾元元年復為江州五代時屬吳後屬南唐宋仍曰江州
潯陽郡建炎元年升定江軍節度二年于此置江州路紹興初
復為江南西路治後移路治洪州以州屬之元為江州路明洪

武初改為九江府

府境 東西距三百四十里
南北距一百十里

八到 東至安徽東流縣界二百里
西至湖廣興國州界一百四十里
南至湖廣黃梅縣界九十里
北至湖廣黃梅縣界二十里

東南至饒州府治四百里
東南至南昌府武甯縣治二百三十里
東南至徽州府歙縣界一百四十里
東北至黃州府蘄州治二百二十里
西北至京師四千六百里

土貢

銅 萬 紙 磁 雲母 蠟 漆 桐油 茶 石

管縣五

德化 德安 瑞昌 湖口 彭澤

德化縣

衝繁難郭下

有通遠潯陽二驛城子南湖嘴龍開河三鎮巡檢駐大姑塘

本漢柴桑縣三國吳改屬武昌郡晉咸和中移尋陽郡來治咸康中又為江州治隋平陳廢柴桑改置尋陽縣開皇十八年改縣曰彭蠡大業二年又改曰湓城唐武德四年復改曰潯陽五代南唐改曰德化縣

大孤山在縣東南四十里彭蠡湖中與南康府分界柴桑山在縣西南九十里漢以此名縣山海經柴桑之山其上多銀其下多碧多冷石赭

九江在縣城北今名潯陽江即大江也自湖北興國州界流入

逕瑞昌及縣境北又東合彭蠡湖水逕湖口彭澤二縣入江南境書禹貢九江孔殷班固云尋陽九江在南皆東合為大江應邵曰江自廬江尋陽分為九

湓水在縣西一里又名湓浦源出瑞昌縣清湓山北入大江其入江處即古之湓口也

桑落州在縣東北過江十五里晉元興三年劉裕遣何無忌等敗桓元將何澹之于桑落洲遂克湓口州之西曰白茅灣與江南宿松接界梁承聖元年陳霸先自江南出湓口會王僧辨于白茅灣即此圖經九江始于鄂陵終於桑落洲

柴桑故城在縣西南唐武德五年復于其地置楚城縣貞觀八年廢入潯陽杜祐云今潯陽縣南楚城驛即舊柴桑縣也晉潯陽郡故城在縣江北岸樂史云地名蘭城溫嶠始移郡治江南

卽今治松滋僑縣梁汝南僑縣竝在縣西

巢湖城在縣東四十二里半洲城在縣西吳將孫慮黃武六年出鎮于此築城郭默城在縣東北

九江鈔關在縣西二里明景泰初置戶部分司以權商稅

本朝康熙二十年移駐湖口縣雍正元年移歸九江別設分司于大姑塘

德安縣 衝繁東北至府一百二十里

漢置歷陵縣屬豫章郡晉改屬鄱陽宋元嘉初省隋為潁城縣地唐為潯陽縣蒲塘場五代楊吳順義七年置德安縣博陽山在縣南十二里書禹貢過九江至于敷淺原班固云歷陵縣傳易山傳易川在南古文以為敷淺原歷陵政城在縣東

瑞昌縣 簡東至府九十里 巡檢駐肇陳口

唐建中四年分潯陽縣西偏立赤烏場南唐昇元三年升為瑞

昌縣

赤烏場在縣治西樂史云孫權時有赤烏見于此故名

湖口縣 衝繁難西至府六十里 有彭蠡 驛湖口柘磯菱石磯三鎮

唐武德五年分彭澤置湖口戍南唐保大中升為縣

石鐘山有二一在縣治北一在南皆距縣一里水經云彭蠡之

口有石鐘山

彭澤故城在縣東三十里又晉上甲廢縣在縣東一百里彭澤

鄉

彭澤縣 衝繁難西少南至府一百四十里

有龍城一驛峯山磯馬當二鎮 巡檢駐馬當

漢彭澤縣地隋平陳廢彭澤縣改置龍城縣于此開皇十八年

復曰彭澤唐武德五年屬浩州八年還屬江州

小孤山在縣北五里江中馬當山在縣東北四十里

浩州故城在縣東南四十里浩山下梁太原僑郡在縣東北五

十里天水僑縣在縣東龍城廢縣在縣西二里唐樂城廢縣在

縣南三十九里

建昌府 繁疲難

原額人丁七萬六千六百七十三
又滋生人丁九百九十八

秦以前同九江府漢置南城縣屬豫章郡三國吳太平二年分

屬臨川郡蕭齊移臨川郡治南城宋開寶二年南唐始析南城

縣置建武軍太平興國四年改曰建昌軍元三十四年改建

昌路總管府明初改肇昌府尋改建昌府

府境

八到

東至	西至	南至	北至	東至	西至	南至	北至	東至	西至	南至	北至
福建	撫州	贛州	撫州	福建	撫州	贛州	撫州	福建	撫州	贛州	撫州
光澤縣界一百八十里	宜黃縣界四十里	石城縣界三百四十里	臨川縣界四十里	泰寧縣界二百三十里	寧都縣界一百六十里	金谿縣界一百一十里	撫州府治一百五十里	京師五千四百八十五里	撫州府治一百五十里	撫州府治一百五十里	撫州府治一百五十里

土貢 銀 絹 葛布 班竹 紅朱稻米 銀珠米 蔣菜
麻姑酒 茶 吳茱萸

管縣五

南城 新城 南豐 廣昌 瀘溪

南城縣 衝繁難郭下 有野江一驛藍田一鎮巡檢駝伏牛

漢舊縣屬豫章郡三國吳分屬臨川郡蕭齊移郡來治隋平陳屬撫州南唐置建武軍治此宋為建昌軍治

盱水一名建昌江源出廣昌縣南又逕南豐縣入縣東又西北入撫州府界

縣故城在今縣東南可封鄉

都軍城在縣南六十里

新城縣 衝繁西北至府九十里

有石峽龍安五福三鎮巡檢二駐極高同安

漢南城縣地三國吳分置永城東興二縣並屬臨川郡隋併二

縣入南城唐武德五年復置二縣屬撫州七年省宋紹興八年

始析置新城縣

永城廢縣在縣北三里地名城頭東興廢縣在縣東北三十里

東興鄉

南豐縣 衝繁難北少東至府一百二十里

有龍池白舍仙君三鎮巡檢駐龍池

三國吳太平二年析南城縣置南豐縣于今廣昌縣界隋開皇

九年併入南城唐景雲二年復置南豐縣先天二年省開元八

年復置屬撫州後徙縣治此宋淳化二年改屬建昌軍

縣故城有二一在廣昌縣東吳縣也一在今縣東唐時徙置

銀場在縣南七十里宋時看都銀場也王存云南豐有看都茨

湖蒙池太平四銀場

廣昌縣 難東北至府二百四十里

有白水一鎮巡檢駐白水及秀嶺

宋紹興八年析南豐縣地置廣昌縣屬建昌軍

瀘溪縣 簡西至府一百五十里

自漢至元皆為南城縣地明洪武三年置瀘溪巡司萬曆六年

始析置瀘溪縣以縣東瀘溪為名

曾採用勳校刊

乾隆府廳州縣圖志卷三十

賜進士及第翰林院編修充

國史館纂修官

臣洪亮吉撰

江西布政使司

撫州府

繁疲難

原額人丁一十四萬二千三百七十七

又滋生人丁二千九

漢以前同建昌府後漢分南城縣置臨汝縣三國吳太平二年
分置臨川郡晉元康元年以郡屬江州隋平陳廢郡改置撫州
大業初復為臨川郡唐武德五年復置撫州天寶初復曰臨川
郡乾元初復曰撫州五代楊吳順義元年升昭武軍節度後屬
南唐宋仍為撫州臨川郡元至元十四年升撫州路總管府明
曰撫州府

府境

東西距三百七十里
南北距一百五十里

八到

東至饒州府安仁縣界一百二十里
 西至臨江府新淦縣界二百五十里
 南至建昌府南城縣界九十里
 北至南昌府進賢縣界六十里
 東南至吉安府廬溪縣界一百一十里
 西南至吉州府廬陵縣界一百一十里
 東北至饒州府治四百二十里
 西北至南昌府治四百四十里
 自府治至京師五千八百八十五里

土貢

金 銀 銅 鐵 絲布 葛 苧布 竹箭 朱橘
 柘木 棹侯柿 黃精 菖蒲 紙

管縣六

臨川 崇仁 金谿 宜黃 樂安 東鄉

臨川縣

衝繁難郭下

有孔家清源二驛航步一鎮巡檢尉
 溫家圳

後漢永元八年分南城縣西北境立臨汝縣三國吳太平二年
 置臨川郡治此蕭齊移郡治南城以臨汝為屬縣陳復為郡治
 隋平陳改縣曰臨川為撫州治大業初仍為臨川郡治唐復為

撫州治

銅山在縣西舊出銅因名隋書臨川有銅山

盱水自建昌府南城縣流入縣境為汝水合宜黃崇仁二縣水

入南昌府界又臨水在縣西北流注汝水

臨汝故城在縣西五里赤岡晉西豐故城在縣西南五十里今

呼為遊城梁定川故城在縣北雷坊

工塘城在縣東南四十里述陂城在縣西十五里唐武德五年

刺史周法猛築述陂置陂上山田百餘頃為永久修陂之費

千金陂在縣東南汝水自盱水達于瑤湖斜直孔家渡地平土

疏唐時初決一口上元中守臣建華陂以遏支流大歷貞元刺

史顏真卿戴叔倫相繼築咸通九年刺史李渤鑿冷泉故基凡

九百七十餘丈又于其上橫截汝水置千金陂東西四鄉之間

灌田各數千頃

崇仁縣

繁難東至府一百里

有江陽一驛巡檢駐周坊

三國吳太平二年分臨汝置新建縣屬臨川郡梁普通三年分新建置巴山縣大同二年又分臨川置巴山郡太平元年割置高州治巴山縣陳天嘉四年州廢隋平陳郡廢併新建巴山二縣置崇仁縣

巴山故城在縣西南三十一里吳西寧廢縣在縣南六十三里

新建廢縣在縣西南九十五里

金谿縣

繁難西北至府八十里

有石門一驛許灣一鎮

五代周顯德五年南唐析臨川縣之上幕鎮立金谿場宋淳化五年升為縣

銀山在縣東二里唐時嘗出銀礦故名上有南唐時銀坑碑記

又銀監在縣治內即南唐所立金谿場

洛城在縣西四十里

宜黃縣

繁難東北至府一百二十里

有止馬一鎮巡檢駐

三國吳太平二年分臨汝置屬臨川郡隋并入崇仁唐武德五年復置宜黃縣屬撫州八年復省宋乾德六年南唐立宜黃場開寶三年升為縣仍屬撫州

宜黃水在縣東本宜黃二水宜水出縣東南軍山黃水出縣南

黃土嶺合流至臨川縣西合臨水入汝水

縣故城在今縣東百花洲有故縣廟

樂安縣

簡東北至府二百四十里

有龍義一鎮巡檢駐

三國吳分臨汝縣置安浦縣隋省入崇仁宋紹興十九年割崇仁之西界及吉安之永豐縣地置樂安縣屬撫州以樂安鄉為

名

安浦廢縣在縣西南六十里又吳興平廢縣在縣西北興平里東鄉縣難西至府八十里有白玳平塘二鎮

明正德八年析臨川金谿及饒州府之餘于安仁南昌府之進賢五縣地置東鄉縣屬撫州府

七寶山在縣東十里舊產銀鉛故名

縣故城在今縣南長林山下明宣德中守臣以臨川東界去縣遼遠議建縣于長林不果至正德八年始析置兵備副使胡世寧以長林非要地徙于孝岡即今治也

臨江府繁難

原額人丁五萬六千二百八又滋生人丁三百七十八

秦以前同南康府漢置新淦縣屬豫章郡為南部都尉治隋為

廬陵郡地唐為吉州地五代南唐置清江縣屬筠州宋清化三年始置臨江軍元至元十四年升為臨江路明改曰臨江府本朝因之通判駐樟樹鎮

府境 東西距二百三十里南北距二百里

八到 東至南昌府豐城縣界八十里西至袁州府分宜縣界一百五十里南至吉安府吉水縣界一百七十里北至瑞州府高安縣界三十里

東南至瑞州府樂安縣治二百里西南至吉安府廬陵縣界一百九十里東北至豐城縣治一百里

自府治至京師五千二百三十五里

土貢 銅 絹 紵布 葛布 柑 銀杏 煤炭

管縣四

清江 新淦 新喻 峽江

清江縣

衝疲難郭下

有滿灘一驛樟樹一鎮巡檢駐樟樹

本漢新淦縣地南唐昇元二年始置清江縣屬洪州保大十年改屬筠州宋淳化中置臨江軍于此

贛水自吉安府吉水縣流逕峽江新淦又北入縣境合袁水入南昌府界淦水源出縣東南離嶺至清江鎮合蛇溪水注贛水漢新淦縣以此名

新淦故城在縣東北三國吳平廢縣在縣西三十里吳城

都尉城在縣東北三十里今清江鎮富國城在縣東南十五里

新淦縣

衝繁西北至府六十五里

有金川一驛巡檢駐杯

漢舊縣隋開皇中始移置今治屬廬陵郡唐屬吉州宋淳化三年改屬臨江軍

泥溪城在縣南臨江監軍城在縣西十里地名城口

新喻縣

繁難東北至府一百二十里

有雜溪一驛巡檢駐

三國吳孫皓析宜春縣置新淦縣屬安成郡隋屬宜春郡唐曰新喻屬袁州宋淳化三年改屬臨江軍

銅山在縣西北三十里舊產銅鐵唐置官場宋罷又湖九洞產

銀礦橫琴嶺在縣西三十里舊產鐵礦

縣故城在今縣南隋大業二年遷今治新唐書新喻本作渝天寶後相承作喻又唐始平廢縣在縣北九十里

峽江縣

衝北至府一百三十里

有玉峽一驛

三國吳分新淦縣置巴丘縣隋省入新淦明嘉靖五年分置峽江縣

玉笥山在縣東南四十里

巴丘故城在縣北一里

吉安府 衝繁難

原額人丁二十九萬八千二百一十六
又滋生人丁二千九百五十三

秦以前同南康府漢屬豫章郡後漢興平元年孫策始分立廬陵郡三國吳寶鼎二年又分置安成郡隋平陳郡廢改置吉州大業初復曰廬陵郡唐仍曰吉州天寶初復為廬陵乾元初仍曰吉州五代屬南唐宋亦曰吉州廬陵郡元至元十四年升吉州路元貞元年改吉安路明洪武元年改曰吉安府

府境 東西距五百里 南北距三百九十里 東至撫州府樂平縣界二百里 西至湖廣攸縣界三百里 南至贛州府新喻縣界一百里 北至臨江府新淦縣界一百里 東南至贛州府寧都縣界三百里 西南至湖廣桂東縣界三百七十里 東北至臨江府峽江縣界三百七十里 西北至袁州府治二百七十里

八到

自府治至 京師五千五百五十七里

土貢 絲葛 白紵布 竹紙 班竹 茶 笋 金橘
坐挈草 龍鬚草 藤 抱石魚 雞

管縣九又廳一

廬陵 泰和 吉水 永豐 安福 龍泉 萬安 永新 永寧 蓮花廳

廬陵縣 衝繁疲難郭下 有驛川一驛永和一鎮巡檢二駐富田井岡

漢舊縣後漢末孫策改置高昌縣為廬陵郡治晉移郡治石陽縣以高昌屬焉梁省高昌入石陽隋改石陽曰廬陵唐永淳元年始移還故廬陵縣為吉州治

贛水在縣南自贛州府贛縣流入逕萬安泰和至縣境又逕吉水縣入臨江府界廬水在縣南今名瀘江班固云安成縣有盧水東至廬陵入湖漢

縣故城在今縣南又三國吳高昌故城在縣西十五里

大阜城在縣南二十里

泰和縣 衝北少東至府八十里

有白下一驛巡檢二駐早禾市花石潭

三國吳于廬陵縣置西昌縣隋開皇十一年改曰泰和唐武德五年于縣置南平州八年州廢仍屬吉州曰泰和縣元貞初升為州明初復為縣

西昌故城在縣西三里唐貞元三年移今治又三國吳東昌廢縣在縣西六十里永和鎮

白口城在縣南

吉水縣

衝繁西南至府四十五里

有白沙一驛巡檢駐

漢新淦廬陵二縣地後漢永元八年析置石陽縣三國吳又析置吉陽縣隋并二縣入廬陵南唐保大八年析廬陵置吉水縣

元升為州明復故

吉陽故城在縣東北石陽故城在縣東北三十里

永豐縣

疲難西至府一百三十里

有層山沙溪二市巡檢分駐

三國吳析廬陵縣地置陽城縣晉太康元年改為陽豐隋并八廬陵縣南唐為吉水縣地宋至和元年割吉水之五鄉置永豐縣

陽豐故城在縣西六十里有陽城相傳故縣治此三國吳興平

廢縣在縣東北興平鄉

安福縣

繁難東少南至府一百二十里

有石鎮蘿塘二鎮巡檢二駐蘿塘及黃茅砦

漢置安平縣屬豫章郡又置安成縣屬長沙國後漢改安平縣曰平都興平中二縣俱屬廬陵郡三國吳置安成郡治平都以

安成縣屬焉晉太康元年改安成縣曰安復隋改平都縣為安成省安復入之開皇十八年又改安成縣曰安復屬廬陵郡唐武德五年移潁州治此七年州廢尋改曰安福縣元升為州明復故

新茨山在縣西五十里漢豫章太守賈萌伐安成侯張普戰于新茨之野即此

安平故城在縣東南安成故城在縣西安成記云縣本有兩鄉漢縣理西鄉吳又移于東鄉

龍泉縣繁疲難東北至府二百五十里有禾原北鄉秀州三鎮巡檢三分駐

五代時楊吳析泰和縣地立龍泉場南唐升為縣宋宣和三年改曰泉江紹興初復曰龍泉

牛羊城在縣西北三里

萬安縣衝繁北至府一百八十里有五雲阜口二驛阜口灘頭二鎮巡檢分駐

三國吳析廬陵置新興縣晉改曰遂興隋省入泰和縣南唐置萬安鎮分屬龍泉縣宋熙寧四年升為縣

蕉原山在縣東四十里產鐵

遂興故城在縣西北十五里今龍泉江口

魚梁故城在縣南五里

永新縣繁難東北至府二百二十里有沙市一鎮巡檢二駐上坪及栗傳

三國吳寶鼎二年析廬陵置永新縣隋省入泰和唐武德五年復置八年復入泰和顯慶二年復分置元元貞初升為州明復為縣

縣故城在今縣西三十五里唐顯慶四年移今治又有南平州城在縣西二十里晉廣興故城在縣西北

永甯縣

簡東北至府二百八十里

有勝業鎮巡檢一駐升鄉寨

元至順初析永新縣置

縣故城在今縣東五十里本永新之勝業鄉元至正五年以道路險阻立縣于此十三年復遭兵火改徙于瓦岡即今治也

蓮花廳

疲難東北至府二百五十里

乾隆八年分永新永甯等縣地設軍捕同知駐此更設巡司于

黃陂

瑞州府

衝

原額人丁八萬五千八百二十一
又滋生人丁二百八十七

秦以前同吉安府漢置建城縣屬豫章郡唐武德五年改縣曰

高安置靖州七年改曰米州又改筠州八年州廢屬洪州南唐

保大十年復置筠州宋曰筠州高安郡寶慶初改曰瑞州元曰

瑞州路明洪武二年改為瑞州府

本朝因之緝捕同知駐銅鼓營

府境

八到

東	西	南	北	東	南	西	北	東	南	西	北
至	至	至	至	至	至	至	至	至	至	至	至
臨	臨	臨	臨	臨	臨	臨	臨	臨	臨	臨	臨
江	江	江	江	江	江	江	江	江	江	江	江
府	府	府	府	府	府	府	府	府	府	府	府
界	界	界	界	界	界	界	界	界	界	界	界
一	一	一	一	一	一	一	一	一	一	一	一
百	百	百	百	百	百	百	百	百	百	百	百
八	八	八	八	八	八	八	八	八	八	八	八
十	十	十	十	十	十	十	十	十	十	十	十
五	五	五	五	五	五	五	五	五	五	五	五
里	里	里	里	里	里	里	里	里	里	里	里

土貢

銀 石青 石碌 黃丹 茶 紵 紙 南燭子
紫竹 牛尾狸

管縣三

高安 上高 新昌

高安縣

衝郭下

有路口一驛陰岡嶺一鎮

漢置建城縣唐武德五年改曰高安

蜀水今名蜀江亦名錦江在縣北又東流入南昌府界班固云建成縣蜀水東至南昌入湖漢

唐華陽廢縣在縣西

雲棚城在縣北三十里

上高縣 難東北至府一百里 有離婁橋一鎮

本漢建城縣地後漢中平中置上蔡縣晉太康元年改曰望蔡隋開皇九年省入建城縣唐武德五年復置望蔡縣八年復廢南唐保大十年改置上高縣

蒙山在縣南三十五里宋慶元中嘗產銀鉛置蒙山務

福陂在縣東南其下流分為尹陂黃陂雲陂俱受蒙山下流漸田一千五百餘畝歲旱不涸

上蔡廢縣在縣西

新昌縣 疲難東至府一百二十里 有仁壽一驛巡檢二駐

三國吳析建城置宜豐縣宋初廢唐武德五年復置八年廢八高安宋太平興國六年改置新昌縣元元貞初升為州明復為縣

宜豐故城在縣北三十里唐陽樂廢縣在縣東二十里

袁州府 衝繁

原額人丁三萬六千三百三十八棚民一百八十七

又滋生人丁五百三十 秦以前同瑞州府漢置宜春縣屬豫章郡三國吳屬安成郡隋

平陳始置袁州大業三年改為宜春郡隋末林士宏蕭銑相繼有其地唐武德四年復曰袁州天寶初曰宜春郡乾元初復曰

袁州元至元十九年曰袁州路明初曰袁州府

府境

入到

東西距二百九十里
 南北距二百一十里
 東至臨江府新喻縣界一百里
 西至湖南醴陵縣界一百九十里
 南至吉安府安福縣界六十里
 北至瑞州府新昌縣界一百五十里
 東南至吉安府新昌縣界一百五十里
 西南至湖南攸縣界二百五十里
 東北至瑞州府上高縣治二百五十里
 西北至湖南瀏陽縣治二百八十里
 自府治至京師六千七百七十五里

土貢

銅 鐵 紵布 葛 酒 紙 茶 地黃 竹篾

管縣四

宜春 分宜 萍鄉 萬載

宜春縣

衝郭下

有秀江一驛黃圃一鎮巡檢二駐黃圃及潤富嶺

漢舊縣三國吳寶鼎二年改屬安成郡晉甯康中改曰宜陽隋初為袁州治開皇十八年復曰宜春

南水今名袁江在縣北亦曰牽水又曰渝水源出萍鄉縣羅霄

山東北流逕縣界及分宜縣至臨江府界合章江班固云宜春

縣南水東至新淦入湖漢

李渠在縣西元和四年李將順守袁州時州多火災居民負江

汲溉甚艱將順以州城地高惟南山水可堰乃鑿渠引官陂水

溉田二萬又決使入城繚繞閭巷其深闊可通舟邦人自曰李

渠宋淳熙寶慶中復加修濬

本朝康熙八年又修又瀉泉在縣北三十里亦灌田萬餘畝

宜春泉在縣西四里王隱云縣出美酒隨歲舉上供新唐書宜

春泉釀酒入貢

分宜縣

衝西至府八十里

有安仁一驛貴山一鎮

宋雍熙初析宜春縣置

昌山在縣西二十里顧野王云晉永嘉四年羅子魯于山峽堰
為陂灌田四百餘頃又貴山在縣北四十里地產鐵宋雍熙初
置貴山務

萍鄉縣

衝繁東至府一百四十里

有愛直一驛蘆溪宣風
上栗三鎮巡檢二駐六
安里及安樂

三國吳寶鼎二年析宜春地置萍鄉縣其地多生萍草故以為
名屬安成郡隋改屬宜春郡唐屬袁州元元貞初升為州明洪
武二年復為縣

萍川水在縣南三十餘步亦名縣前江入湖南醴陵縣之淥江
縣故城在今縣東隋唐時遷今治

萬載縣

繁難南至府九十里

有高村一鎮巡檢駐鐵山界

三國吳黃武中析建成縣置陽樂縣晉太康元年改曰康樂隋

省唐武德五年復置陽樂縣八年省入高安五代楊吳順義元
年置萬載場南唐保大十年升為縣屬筠州宋開寶八年改屬
袁州宣和三年改曰建成紹興二年復曰萬載
鐵山在縣西一百二十里與湖南瀏陽縣接界地產鐵
康樂故城在縣東二十里

贛州府

衝繁疲難

原額人丁五萬一千四百九十四
又滋生人丁二千四十八

秦以前同袁州府漢為豫章郡贛零都二縣及南楚縣地後漢
末孫策分屬廬陵郡三國吳分立廬陵南部都尉治零都晉太
康三年罷都尉置南康郡屬揚州元康元年改屬江州永和五
年移置贛縣隋平陳廢郡置虔州大業初復為南康郡唐武德
五年復為虔州天寶元年仍曰南康郡乾元元年復曰虔州五

代梁置百勝軍節度貞明四年入吳後屬南唐宋初曰虔州南
康郡紹興二十三年改曰贛州元至元十四年升贛州路總管
府明洪武二年改曰贛州府

本朝因之分巡南贛道駐此

府境

八到

東	西	南	北	東	南	西	北	東	南	西	北
至	至	至	至	至	至	至	至	至	至	至	至
福建	廣安	吉安	廣東	廣西	廣南	廣北	廣東	廣西	廣南	廣北	廣東
汀州	南康	平江	萬安	贛州	吉安	廣安	廣西	廣南	廣北	廣東	廣西
界三百里	界三百里	界三百里	界三百里	界三百里	界三百里	界三百里	界三百里	界三百里	界三百里	界三百里	界三百里

土貢

管縣八廳一

金	銀	銅	鐵	錫	紵布	石蜜	砒	漆	茶
糖	斑竹	葉利	竹梳	箱					

贛 粵都 信豐 興國 會昌 安遠 長溝 龍南

定南廳

贛縣 衝繁難郭下 有攸鎮一驛桂源平固黃金三鎮巡檢 二駐桂源及磨刀寨

漢舊縣三國吳分屬廬陵郡後又分屬廬陵南部都尉晉初屬
南康郡永和五年始移郡來治隋初改曰南康為虔州治大業
初復曰贛縣

空山在縣南六十里今名崆峒山多材木果實食物一府皆資
此山雖名空山出物百倍他所

贛水在縣北章貢二水于此合流又北八吉安府界班固云雩
都縣湖漢水東北至彭澤入江行千九百八十里又云贛縣豫
章水出西南北八大江酈道元云湖漢水西入豫章水樂史云
章水出大庾縣聶都山貢水出福建汀州新樂山按章水即豫

章水貢水卽湖漢水漢時豫章之水湖漢爲大故班固獨注云東北入江其彭廬盱蜀諸水皆云入湖漢豫章水雖亦云北入大江然不言諸水入此亦不詳其里數疑當時尚未究二水源異流同姑竝著之而專以湖漢爲經流也自水經注以豫章水爲正源而湖漢之名遂隱又按贛字說文从貝夂省聲而劉澄之李吉甫云章貢二水于此合流因以名縣疑不然也縣故城在今縣西南土名益漿故城樂史云東晉永和五年太守高珪置郡城于章貢二水間義熙七年徙于贛水東梁承聖元年復移于章貢間卽今城是也或云唐貞觀中徙于今理葛姥城在縣東北五里銀場王存云縣及瑞金雩都會昌虔化皆有銀場樂史云瑞金場本淘金之地宋史天聖四年以虔州石城產銀置義豐場

贛關在縣北東西兩橋章貢合流處明正德六年置關於此以權商稅

本朝每年遣部臣督收雍正元年改令巡撫侍郎委官管理

雩都縣 簡西至府一百五十里 有平頭寨巡檢駐

漢舊縣三國吳分置廬陵南部都尉治此晉太康三年爲南康郡治永和五年移郡治贛以雩都爲屬縣宋齊後廢隋平陳復置

甯都水在縣東北自甯都州流入至縣東南入貢水舊說以爲卽虔化水也

縣故城有二一在今縣東北漢縣也一在今縣東南唐初所遷

信豐縣 繁難北至府一百七十里 有桃江一驛新田一鎮 巡檢駐新田

漢南埜縣地三國吳爲南安縣地晉以後爲南康縣地唐永淳

元年復析南康置南安天寶元年採訪使韓朝宗以泉州有南

安縣遂奏改信豐

興國縣 簡西南至府一百六十里 有回龍寨巡檢駐

三國吳分贛縣置平陽縣晉太康元年改曰平固屬南康郡隋

省宋太平興國七年始析贛縣地置興國縣

上洛山在縣西南四十里

平固故城在縣界今贛縣東有平固鎮疑故城在二縣之間也

會昌縣 衝繁西少北至府三百里 有湘鄉承鄉二鎮巡檢

宋太平興國七年析雩都縣地置紹定四年升縣為軍咸淳五

年復為縣元大德元年又升為州明洪武二年復為縣

君山在縣東南下有水入湘水

安遠縣 簡西北至府三百四十里 有板石一鎮巡檢駐

梁大同中析雩都縣地置安遠縣隋開皇中廢唐貞元四年復

分置元至元二十四年省入會昌至大三年復置屬甯都州明

洪武初還屬贛州府

鐵山在縣西北六十里宋置鐵場元廢

縣故城在今縣南七十里安遠水南

長甯縣 簡西北至府四百六十里 有雙橋一鎮巡檢二駐

明萬曆四年析安遠縣置

龍南縣 簡北至府三百二十里 新坪及黃鄉係

南唐保大十年析信豐縣置宋宣和三年改曰虔南紹興二十

三年復舊元至元二十四年併入信豐至大三年復置屬甯都

州明洪武初還屬贛州府

定南廳 繁疲難北至府四百里 有下歷一鎮巡檢駐

明隆慶二年析龍南安遠信豐三縣地置縣

本朝乾隆三十八年升為廳設同知治此

南安府 衝繁

原額人丁八千六百五十食鹽課七千七百四十一口
滋生人丁八百七十三食鹽課七百五十七口

秦以前同贛州府漢為豫章郡南李縣三國吳分屬廬陵郡晉

分屬南康郡唐分置大庾縣屬虔州宋淳化元年始於大庾縣

置南安軍元至元十四年升南安路總管府明洪武元年改南

安府

府境 東西距三百六十里
南北距三百五里

八到 東至贛州府贛縣界一百八十里
西至廣東仁化縣界一百八十里
南至廣東保昌縣界二十五里
北至吉安府龍泉縣界二百八十里
東南至贛州府信豐縣治二百里
西南至廣東韶州府治三百八十里

東北至吉安府治六百二十里
西北至湖南郴州治三百里
自府治至京師六千六百七十五里

土貢 錫 鉛 鐵 茶磨石 竹紙 箭竹 扁竹 仙茅

管縣四

大庾 南康 上猶 崇義

大庾縣 衝繁郭下 有橫浦小溪二驛鬱林一鎮巡檢駐鬱林及赤石嶺

漢南埜縣地隋初為南康縣地開皇十年分置大庾縣十六年廢為鎮唐神龍元年復置屬虔州宋淳化初置南安軍治此大庾嶺在縣南與廣東南雄府分界一名臺嶺又名梅嶺上有橫浦關梅關吳錄南埜有大庾山九嶺嶠以通廣州嶺路險阻唐開元四年張九齡開鑿新徑宋嘉祐八年蔡挺提刑江西兄抗漕廣東乃淘土為甃各甃其境仍復夾道植松以休行旅遂

成車馬之塗又立梅關于嶺上以分江廣之界又有小梅嶺在縣西南二十五里相傳唐開元以前入粵之路由此

鐵岡在縣北一里舊產鐵有鐵冶

縣故城在今縣西南宋淳化二年始移徙今治

崎頭城在縣東新田城在縣東北

有南埜一驛潭口相安二鎮巡檢二分駐

南康縣 衝繁西南至府一百三十里 三國吳分南埜置南安縣晉太康五年改曰南康隋初省南埜入南康

縣故城在今縣西南隅一里南埜故城在縣西南章江南岸南野鎮

錫務王存云南康有瑞陽錫務上猶有上田鐵務

上猶縣 簡西南至府一百八十里

有浮龍一鎮巡檢駐

五代楊吳割南康縣西南一鄉置上猶場南唐保大十年升為縣宋嘉定四年改曰南安縣元至元十六年改曰永清後復曰上猶以縣南上猶江為名

崇義縣 簡東南至府一百二十里

有上係一鎮巡檢三駐上係及長龍鉛廠

明正德十二年析上猶縣置

聶都山在縣西南九十里山海經聶都之山贛水出焉按贛水今逕大庾南康二縣入贛州府界

桶岡在縣西北二百餘里與湖廣郴州接境山深谷廣縱橫無際明正德初為輦賊所據巡撫都御史王守仁討平之

甯都州 繁疲難 有下河寨巡檢駐

原額八丁 又滋生八丁

秦以前同贛州府漢為豫章郡雩都縣地三國吳寶鼎三年析

置陽都縣屬廬陵南部都尉晉太康元年改曰甯都宋大明五年又分置虔化縣皆屬南康郡隋平陳廢虔化縣開皇十八年改甯都曰虔化宋紹興二十三年復改曰甯都元大德元年升為州明洪武二年復為縣

本朝乾隆十九年又升為州直隸江西布政司

州境 東西距一百九十里 南北距四百六十五里

八到 東至福建甯化縣界一百三十五里 西至贛州府興國縣界五十五里 南至贛州府會昌縣界一百二十五里 北至撫州府樂安縣界一百四十里 東南至福建汀州府長汀縣界一百八十里 西南至贛州府零都縣界一百七十里 東北至建昌府廣昌縣界一百九十里 西北至吉安府永豐縣界一百四十里 自州治至京師四千六百四十里

土貢 界茶 夏布 沙糖 茶油 桐油 貢麵 蕪粉 杉木 白茅筍 墨 三黃丸 金箔 蜜餞 炭

管縣二

瑞金 石城

石鼓山在州西北十五里一名金精山又梅嶺在州東北六十里接廣昌縣界甯都水出于此至州北合西江水曰三江口甯都故城有三皆在州界三國吳于今州南置陽都縣晉初徙縣北隋又徙今治吳置縣在州南五十里白鹿營晉縣在州北太平鄉楊田營劉宋縣在州東北地名徐觀又虔化故城在今縣西五里

瑞金縣 繁疲難北至州一百三十里 有瑞林一鎮巡檢二 駐瑞林及湖陂

漢雩都縣地唐天祐初置瑞金監南唐保大十一年升為縣元大德元年改屬會昌州明洪武初仍屬贛州府

本朝乾隆十九年屬甯都州

綿江水在縣東至縣南合貢水

石城縣

簡西至州一百里

有捉殺寨巡檢駐

三國吳分零都置揭揚縣晉太康五年改曰陂陽隋開皇十三年省入寧都五代南唐係六十年始置石城縣本朝乾隆十九年升寧都作州以縣屬焉陂陽廢縣在縣西陂陽鄉

